

洋学文庫
文庫8
B 136
1



道光庚寅仲夏月重

奇器圖說序

來鹿堂藏板

重刊王忠節公奇器圖說序

奇器

圖說吾秦涇陽王忠節公所輯也公丁明

明末造

由進士前後司理廣平揚州所至惠聲洋溢上下交
孚比解組歸田值流寇猖獗所劫州縣率無完區獨
涇原一邑屢出奇兵制勝使寇不敢西向而彎弓
實公一人捍禦之功惜當時葉臺山徐元扈兩相
暨李松毓楊忠烈諸君子以王佐才文章推薦
權佞阻撓未獲起用即值鼎革以絕
高宗純皇帝追諡忠節以慰毅魄

奇器圖說序

彪炳如日星河嶽夫豈徒以緒餘
論其圖說之巧率皆有關於國計民

之造千石酒鍾唐齊映之製八尺銀鉞者所可以
余聞之父老云公未通籍前每春夏播耕時多以

偶以供驅策或舂者簸者汲者炊者操餅杖者抽

箱者機關轉換宛然如生至收穫時輒製自行車以
捆載禾束事半功倍鄉人多艷而效之公所居室曾

竅一壁以通傳語每值冠昏葬祭事使一人語于竅
則前後數十屋悉聞之名曰空屋傳聲亦以簡御繁

之術也又公于甲申林下時聞李自成寇京師公壘

瓦礫為內外城如京制繞城默祝者七晝夜適一火

自西南至曳城一隅圮公知事不可為乃仰天慟哭
七日不食而殉國難此非深明天時人事者能如是

乎吾不知天生此才使不究其用其生之者何心而
死之者又何心抑優游歲月俾立器盡制以洩前

未洩之蘊歟然此書也人多議之謂天有常道

常教民有常器何必索隱行怪駭人耳

緇髮閨首之民剝木以戰不知耕抱

自神農黃帝代作斲木為耜採木為耒
木為楫厥用既神厥功斯茂試遙想

有不乍見而遠、然驚耶及歷用久之則如布

粟之無奇矣且不第是蜀漢諸葛武侯造木牛

以運軍食省物力即以蓄民財此軍政之最善者

而後人猶議其非中庸之道者他何論焉今公以聰

明天授之資收遠西師資之益成備物致用之書古

皇固不敢妄擬其亦武侯之流亞歟亟宜廣為流布

俾百姓日用而不知萬世率由於不敝又奚事詫橐

駝為馬腫背耶余家居時聞此書板片漶漫善本難

得不惜重賞購得之異推廣公意以傳於無窮苦於

無暇無力屢舉輒屢輟之今需次錦官偶出是書以

授同好見者咸謂官有資於政事民有資於身家盍

重刊之以公海內余因衆志僉同遂詔築氏而謀之

並錄所聞軼事數端以補史傳之未備云

道光己丑秋八月上旬例授承德郎 制科孝廉

正辛巳 恩科舉人癸酉科拔貢四川 候補直隸

州判安康張鵬盼補山氏書於錦官



陝西通志

王徵字良甫號葵心涇陽人天啓壬戌進士初授廣平推
 官佑善禡奸明允著譽熄白蓮亂生全萬民開清河閘利
 濟百世起復揚州推官導三王駕不苦騷擾釋齟使誣弗
 拜魏瑞之祠風節凜然特以邊才薦陞登萊監軍僉事未
 閱月逆弁鼓噪遂回籍值流寇發難倡立忠統堵賊
 涇原獲安當道疏薦王佐才未展其用及
 鄉曲賊屢迫脅佩刀自矢竟不赴省聞京

七 陷秦

哭於家七日不食死著有兩理畧奇器圖

學庸解天問辭士約兵約元真人傳歷代文蒙辨

居咏諸集行世學者私謚端節先生

奇器圖後序

世間非常之事非常之人
為之非常者奇也小儒膽
薄而識淺僭口中庸以之
飾其固陋夫中庸之

能非奇邪 苑有奇

陳有奇兵術 數有奇門
倫有奇士 山海有奇物 鬼
神有奇狀 詎於器而無奇
也者 要亦非常之人 靈心

躍露直以器為寄 馬耳關
西王公 司理維揚 寬明仁
恕 莊敬中和 政簡刑清 士
民胥化 即正樂一事 其
不肖 位講明而脩舉考

既洋洋大雅追六代之

矣以_位為可教也復出此

奇器圖說一書採輯者為

卷三創置者為卷一授_位

學焉蓋公瞻智宏材披天

根而漱地軸觸類多能其

緒餘矣嘗考古善奇者輸

班墨翟見用於時有益於


世其最著者矣嗣若祖沖

之張平子馬鈞藝元之

皆當世名巧而功不集
利不及民終無取焉獨木
牛流馬臚炙至今此外多
屬假託非其真也乃公所
製自行車自行磨已足雁
行武侯而虹吸鶴飲之備
旱潦輪壺之傳刺漏水鏡
之滅火災連弩之禦大敵
代耕之省牛馬因風趁水
之不煩人力其有裨於飛

輓轉運軍旅農商璣紕米
鹽小大悉備逸勞相萬矣
昔人謂文至韓愈詩至杜
甫書至顏真卿畫至吳道
元天下之能事畢焉然於
國家緩急生民日用曾何
毛髮益乎是書也廣而公
之固濟世利物者一大舟
楫也寧止嘉惠維揚哉陰
符曰爰有奇器是生萬象

位則曰公有奇器實利萬
民則公之品誠有用大儒
公之書固非常偉業是胡
可以不傳也敬手繪而壽
之粹時土為日用
崇禎改元中秋日直隸揚
州府儒學訓導武位中頓
首撰并書



遠西奇器圖說錄最

奇器圖說乃遠西諸儒携來彼
國圖書此其七千餘部中之一
支就一支中此特其千百之什
一耳余不敏竊嘗仰窺制器尚
象之旨而深有味乎璇璣玉衡

序
之作一器也規天條地
在萬禩不磨奇哉茂以尚已考
工指南而後代不乏宗工哲匠
然自化人奇肱之外巧絕弗傳
而木牛流馬遂擅千古絕響余
甚慕之愛之間嘗不揣固陋妄
製虹吸鶴飲輪壺代耕及自轉
磨自行車諸器見之者亦頗稱
奇然于余心殊未甚快也偶讀
職方外紀所載奇人奇事未易
更僕數其中一二奇器絕非此
中見聞所及如云多勒多城在

山巔取山下之水以供山上運
之甚艱近百年內有巧者製一
水器能盤水直至山城絕不賴
人力其器自能晝夜轉運也又
云亞而幾墨得者天文師也承
國王命造一航海極大之船舶
成將下之海計雖傾一國之力
用牛馬駱駝千萬莫能運也幾
墨得營作巧法第令王一舉手
引之舶如山岳轉動湏臾卽下
海矣又造一自動渾天儀其七
政各有本動凡列宿運行之遲

疾一一與天無二其儀以玻璃
爲之悉可透視真希世珍也職
方外紀西儒艾先生所作其言
當不得妄余蓋爽然自失而私
竊嚮徃曰嗟乎此等奇器何緣
得當吾世而一覩之哉丙寅冬
余補銓如都會龍精華鄧函璞
湯道未三先生以候旨修歷
寓舊邸中余得朝夕晤請教
益甚謹也暇日因述外紀
所載質之三先生笑而唯唯且
曰諸器甚多悉著圖說見在可

覽也奚敢妄余亟索觀簡帳不
一第專屬奇器之圖之說者不
下千百餘種其器多用小力轉
大重或使升高或令行遠或資
修築或運芻餉或便泄注或上
下舫舶或預防災禳或潛禦物
害或自舂自解或生響生風諸
奇妙器無不備具有用人力物
力者有用風力水力者有用輪
盤有用關捩有用空虛有卽用
重爲力者種種妙用令人心花
開爽間有數製頗與愚見相合

閱其圖繪精工無比然有物有像猶可覽而想像之乃其說則屬西文西字雖余嚮在里中得金四表先生爲余指授西文字母字父二十五號刻有西儒耳目資一書亦畧知其音響乎顧全文全義則茫然其莫測也於是亟請譯以中字鄧先生則曰譯是不難第此道雖屬力藝之小技然必先攷度數之學而後可蓋凡器用之微須先有度有數因度而生測量因數而生計

筭因測量計筭而有比例因比
例而後可以窮物之理理得而
後法可立也不曉測量計筭則
必不得比例不得比例則此器
圖說必不能通曉測量另有專
書筭指具在同文比例亦大都
見幾何原本中先生爲余指陳
余習之數日頗亦曉其梗槩於
是取諸器圖說全帙分類而口
授焉余輒信筆疾書不次不文
總期簡明易曉以便人人覽閱
然圖說之中巧器極多第或不

甚關切民生日用如飛鳶水琴
等類又或非國家工作之所急
需則不錄特錄其最切要者器
誠切矣乃其作法或難如一器
而螺絲轉太多工匠不能如法
又或器之工費甚鉅則不錄特
錄其最簡便者器俱切俱便矣
而一法多種一種多器如水法
一器有百十多類或重或繁則
不錄特錄其最精妙者錄既成
輒名之爲遠西奇器圖說錄最
云客有愛余者顧而言曰吾子

嚮刻西儒耳目資猶可謂文人
學士所不廢也今茲所錄特工
匠技藝流耳君子不器子何敝
敝焉於斯矧西儒寓我中華我
輩深交固真知其賢矣第其人
越在遐荒萬里外不過西鄙一
儒焉耳奚爲偏嗜篤好之若此
余應之曰學原不問精麤總期
有濟於世人亦不問中西總期
不違於天茲所錄者雖屬技藝
末務而實有益於民生日用國
家興作甚急也儻執不器之說

而鄙之則尼父繫易胡以又云
備物制用立成器以爲天下利
莫大乎聖人且夫畸人罕邁絕
學希聞遇合最難歲月不待明
睹其奇而不錄以傳之余心不
能已也故嚮求耳目之資今更
求爲手足之資已耳他何計焉
夫西儒在茲多年士大夫與之
遊者靡不心醉神怡彼且不驕
不吝奈何當吾世而覲面失之
古之好學者裹糧負笈不遠數
千里徃訪今諸賢從絕徼數萬

里外齋此圖書以傳我輩我輩
反恐拒而不納歟諸賢寥寥數
輩胥皆有道之儒來賓來王視
昔越裳肅慎不啻遠之遠矣正
可昭我明聖德來遠千古罕儷
之盛邇來余省新從地中掘出
一碑額題景教流行中國碑頌
乃唐郭子儀時所鐫千載如新
與今日諸賢所傳崇敬天之教
一一若合符節所載自唐太宗
以後凡六帝遞相崇敬甚篤也
在昔已然今又何嫌忌之與有


客又笑謂余曰是固然矣第就
子言耳目有資手足有資而心
獨可無資乎哉西儒縹緲盈室
資心之書必多子不之譯而獨
譯此器書何也余俯而唯唯曰
有迹之器具麤可指陳無形之
理譚粹難究竟余小子不敏聊
以辦此足矣若夫西儒義理全
書非木天石渠諸大手筆弗克
譯也此固余小子昕夕所深願
而力不逮者其尚俟之異日客
遂領然而去余因併錄其言以

序
識歲月

書

天啓七年丁卯孟春關中涇邑

了一道人王徵謹識



遠西奇器圖說錄最凡例

一正用

重學

借資

窮理格物之學

度學

數學

視學

呂律學

一引取

勾股法義

圖容較義

蓋憲通考

泰西水法

幾何原本

坤輿全圖

簡平儀

渾天儀

天問畧

同文筭指

敬天實義

畸人十篇

七克

自鳴鐘說

望遠鏡說

職方外紀

西學或問

西學凡

一制器器

度數尺

驗地平尺

合用分方分圓尺

兩端即兩規矩

闔闕分方分圓各由一分起至十分尺

規矩

兩足規矩

三足規矩

兩螺絲轉闔闕定用規矩

單螺絲轉闔闕任用規矩

畫銅鐵規矩

畫紙規矩

作雞蛋形規矩

作螺絲轉形規矩

移遠畫近規矩

寫字以大作小以小作大規矩

螺絲轉母

活鋸

雙翼鑽

螺絲轉鐵鉗

一記號

號必用西字者西字號初似難記然正因其難記欲覽者怪而尋索必求其得耳况號止二十形象各異又不甚煩不甚難乎今將西字總列于左即以中字並列釋之以便觀覽且欲知西字止二十號耳可括

萬音萬字之用

萬音萬字之用
A B C D E F G H I J K L M N O P Q R S T U V W X Y Z

了額衣阿午則者格百德日物弗額勒麥搦色石黑
以上記號蓋因圖中諸器多端須用標記而後說中指其記號一一可詳解耳用之不盡不論也圖之簡明易知者則不用

一每所用物名目

柱

長柱

短柱

梁

橫梁

側梁

架

高架

方架

短架

槓杆

軸

立軸

平軸

斜軸

軋軸

輪

立輪

攪輪

平輪

斜輪

飛輪

行輪

星輪

鼓輪

齒輪

輻輪

觚輪

燈輪

水輪

風輪

十字立輪

十字平輪

半規斜輪

木板立輪

木板平輪

鋸齒輪

半規鋸齒輪

上下相錯鋸齒輪

左右相錯鋸齒輪

曲柄

左右對轉曲柄

上下立轉曲柄

單轆轤

雙轆轤

滑車

推車

曳車

駕車

玉衡車

龍尾車

恒升車

索

曳索

垂索

轉索

纏索

水戽

水杓

連珠戽

鶴膝轉軸

風蓬

風扇

活輓木

活地平

活桔槔

一諸器所用

用器

用人

用馬

用風

用水

用空

用重

用槓

用輪

用龍尾

用螺絲

用秤杆

用滑車

用攪

用轉

用推

用曳

用揭

用墜

用薦

用提

用小力

用大力

用一器

用數器

用相等之器

用相勝之器

用相通之器

用相輔之器

一諸器能力

能以小力勝大重

能使重者升高

能使重者行遠

能使在下者遞上而不窮

能使不動者常動而不息

能使不鳴者自鳴

能使不吹者自吹

能使大者小

能使小者大

能使近者遠

能使遠者近

一諸器利益

省大力

免大勞

解大苦

釋大難

節大費

長大識

增大智

致一切難致之物平易而無危險

一全器圖說

起重圖說

引重圖說

轉重圖說

取水圖說

轉磨圖說

解木圖說

解石圖說

轉碓圖說

轉書輪圖說

水轉日晷圖說

代耕圖說

水鏡圖說

取力水圖說

書架圖說

人飛圖說

遠西奇器圖說錄最卷第一

西海耶穌會士鄧玉函

口授

關西景教後學王

徵

譯繪

金陵後學武位中較

安康張鵬翬梓

奇器圖說譯西庠文字而作者也西庠凡學各有本名此學本名原是力藝力藝之學西庠首有表性言且有解所以表此學之內美好次有表德言所以表此學之外美好今悉譯其原文本義兩列於左。

力藝 原名

表性言

力藝重學也

力是氣力力量如人力馬力水力風力之類又用力加力之謂如用人力用馬力用水風之力之類藝則用力之巧法巧器所以善用其力輕省其力之總名也重學者學乃公稱重則私號蓋文學理學算學之類俱以學稱故曰公而此力藝之學其取義本專屬重故獨私號之曰重學云

原解表性言

蓋此重學其總司維一曰運重

凡學各有所司如醫學所司者治人病疾算學所司者計數多寡而此力藝之學其所司不論土水木石等物則總在運重而已

其分所有二一本所在內曰明悟一借所在外曰圖籍

人之神有三司一明悟二記舍三愛欲凡學者所取外物外事皆從明悟而入藏於記舍之內

異日明悟愛之而欲用之。直從記含中取之足矣。此學之本所在內者也。至古人已成之器之法。載在圖籍。則又吾學之借所也。故曰在外。其造詣有三。一由師傳。一由式樣。一由看多。想多。做多。

凡學皆須由此三者而成。而此力藝之學。賴此三者更亟。不得師傳。不會做。不有式樣。亦不能憑空自做。兩者皆有矣。而眼看不熟。心想不細。手做不勤。終亦不能精此學。蓋大匠能與人規矩。不能使人巧。巧必從習熟而後得也。故曰習。慣如自然。三者並重。而第三尤爲切近。何也。師傳易明。但師不克常在。則難。式樣最便。然亦有有式樣。而不能便。惺然者。故自己看多。想多。做多。尤切近也。

其作用有四。一爲物理。二爲權度。三爲運動。四爲致物。

理如木之有根本也。木有根本。則千枝萬實。皆從此生。故人能窮物之理。則自能明物之性。一

理通而衆理可通。一法得而萬法悉得矣。窮理原爲學者之急務。而於此力藝之學尤爲當務之首。理旣窮矣。假如兩理不知誰重誰輕。則必權之度之。理因相比而可較。然其自分也。故權度次之。夫理窮而權度亦旣審矣。夫然後遇物之重者。舉人力所不能運。所不能動者。以此力藝學之法之器而運動之。無難也。故運動又次之。顧運動何爲總欲致其物耳。假如人生有飢有寒。則思致飲食。致衣服諸物。避風避雨。則思致城郭致宮室諸物。防物害防敵攻。則又思致干戈致火器諸物。凡此諸物。非此力藝之學莫能致之。故以致物終之者。正以明此學大用之終竟耳。四用似有先後。而實皆相聯。假如欲致物。不得運動法。則不能致。欲運動。不得權度。則運動無法。而權度不根諸窮理。則將孰權孰度焉。故四者相須。總爲此學之大用。

其所傳授。因起則有五。一。始祖遞傳。二。窘迫生心。三。觸物起見。四。偶悟而得。五。思極而通。

相授之原。從人之始祖。亞當受之造物主。以後
遞相傳於子孫。然特傳其耕作器耳。至後將近
四千年。有一大人。名亞希默得。新造龍尾車。小
螺絲轉等器。又能記萬器之所以然。今時巧人
之最能明萬器所以然之理者。一名未多。一名
西門。又有繪圖刻傳者。一名耕田。一名刺墨里。
此皆力藝學中。傳授之人也。其二云窘迫生心者。
如因饑寒所迫。則思作飲食作衣服。因風雨所
迫。則思作城郭。作宮室。因物害蔽攻所迫。則思
作干戈。作火器。之類是也。觸物起見者。如觸於
魚之搖尾水中。則因之作柁。觸於魚之以翅左
右。則因之作櫓。觸於松鼠之伏板。豎尾渡水。則
因之作帆。之類是也。偶悟而得者。如一國王以
純金命一匠作器。匠潛以銀雜之。王欲廉其弊。
弗得也。亞希默得。因浴而偶悟焉。謂金與銀分
兩等。而體段大小不等。金重而小。銀重而大。以
器入水。驗其所留之水。誰多誰寡。則金與銀辨
矣。遂明其弊。而匠自服罪。之類是也。思極而通

者。人能常思常慮。則心機自然細密。明悟自然開發。所謂思之思之。又重思之。思之不得。鬼神將通之者。是也。此數者。雖不由傳授。然有因而起。故統系傳授之下。而另列之爲因起云。

論其料。曰理。曰法。縱千百其無盡。

料者。力。藝。學中之材料也。如一重物難起。或用人力。或用馬力。或用關。或用力。或用輪盤。一法不足。百法助之。其機種種不同。其材料不越理法兩端。隨人明悟。相度取用。可千變萬化。而不窮也。核其模。有體。有制。實次第而相承。

模。卽體制。蓋有材料。而不有體制作模。則必不能成一器。然體制雖或千百不同。而其實則各各次第相承。而不紊。譬如自鳴鐘。大輪小輪。其中名目甚多。必一一次第相聯。而後可以自鳴也。一紊其序。則不成其用矣。

所正資。而常不相離者。度。數之學。

造物主。生物。有數。有度。有重。物物皆然。數。卽算學。度。乃測量學。重。則此力。藝之重學也。重。有重。

之性理。以此重較彼重之多寡。則資筭學。以此重之形體較彼重之形體大小。則資測量學。故數學。度學。正重學之所必須。蓋三學均從性理而生。如兄弟內親。不可相離者也。

所借資而間可相輔者。視學及律呂之學。

夫重學本用在手足。而視學則目司之。律呂學則耳司之。似若不甚關切者。然離視學則方圓平直不可作。離律呂學則輕重疾徐甘苦高下之節。不易協。况夫生風生吹。自鳴等器。皆借之律呂。故兩學於重學。雖非內親乎。而實益友。可相輔而不可少也。

此其取精也。既厚則其奏效也必宏。故能力甚大。其所裨益於人世者良多也。命曰重學。學者其可忽諸。


夫此重學。既從度數諸學而來。其學可謂博而約矣。原非一蹴而成功。自可隨奏而輒效。只就起重一節言之。假其有重於此。數百千人方能起。或猶不能起。而精此學者。止用二三人。即能

起之此其能力何如也既省多力又節大費且平實而不致險危其裨益於人世也又何如故名以重學雖專為運重而立名亦以見此學關繫至重有志於經世務者不宜輕視之耳

或問表性言一句耳而解笑為如此之多曰此學最奇亦最深不詳解不能遽曉此中之妙之法之性理故解已詳而余復為詳註之者總期人人之易曉也

力 藝 內 性 圖

先 本 後



古器圖說 卷一

電 報 呂

圖 辭 思 避

力 藝

表 德 言

前所表者。重學之內性耳。茲復表其外德。

是重學也。最確當而無差。

天下之學。或有全美。或有半美。不差者。固多。差

之者亦不少也。惟算數。測量。毫無差謬。而此力

藝之學。根於度數之學。悉從測量算數而作。種

種皆有理有法。故最確當而毫無差謬者。惟此

學為然。非如他學。此或以為可。彼或以為否。此

或見以爲是彼復駁以爲非者比。蓋人同具明
悟。知其所以然。自不得不是之。非強也。間有差
亦非此學之差。則器之材質或有差不。則人之
所作。如法與不如法耳。

至易簡而可作。

蓋器之公者。止有一。器之所以然。亦止有一。且
至爲明白。不依賴於多體。况其體相聯不多。如
通一體。則他體可以相推。但一留心。自可通曉。
不似他學。費盡心力。而猶或不易曉也。其理易
明。其法有迹而易見。其器又悉有成式。而可擬
故此學至易至簡。而人人可作。

然奇古可怪。聞者似多驚詫非常。

人多勝多。或人多而勝寡。不怪也。人寡能勝人
多。則可怪。如以大力運大重。奚足怪。今用小小
機器。輒能舉大重。使之升高。使之行遠。有不驚
詫爲非常者鮮矣。然能通此學。知機器之所以
然。則怪亦平常事也。試觀千鈞之弩。惟用一寸
之機。萬斛之舟。祇憑一尋之橈。豈不可怪。而世

因常常用之。則亦視爲日用家常物耳。

而精妙難言。見之自當喜慰無量。

饑得餐。渴得漿。則自生喜慰。而此精妙之器。乃吾人明悟之美味也。同具明悟者。寧能不喜。况有大重於此。用大力多力不能起者。一旦用小力。而大重自起。見之有不喜慰者乎。故器之精妙。筆舌難盡形容。但人一見器之精妙。未有不歡欣慰悅者也。昔亞希默得。欲辯金與銀雜之故。不得。偶因沐浴而悟得其故。則歡慰之極。至於忘其衣著。赤身報王。是一證也。

堪爲工作之督府。

凡工匠皆有二等。一在上。一在下。下者奉上之命。躬作諸務。有同僕役。上者指示方畧。而不親操斧鑿者也。自有此學。總百工之在上者。亦皆在下。而此學獨在其上。蓋百工之在上者。非此宗工。無所取法。無所稟承。其尊貴有五。一能授諸器於百工。二能顯諸器之用。三能明示諸器之所以然。四能於從來無器者。自創新器。五能

以成法輔助工作之所不及。故曰督府云。
可開利益之美源。

民生日用。飲食衣服宮室。種種利益。爲人世急需之物。無一不爲諸器所致。如耕田求食。必用代耕等器。如水乾田。乾水田。必用恒升龍尾車轆等器。如榨酒榨油。必用螺絲轉等器。如織裁衣服。必用機車剪刀等器。如欲從遠方運取衣食諸貨物。必用舟車等器。如欲作宮室。所需金石土木諸物。必用起重引重等器。人世急需之物。何者不從此力藝之學而得。故卽稱爲衆美之源可也。不寧惟是。卽救大災。捍大患。如防水

害。則運大石以築隄。防火災。則用吹筒以灑水。遇猛獸。則用弓弩刀鎗。遇大敵。則用拂郎大銃。就中以寡勝衆之妙。不能盡述。則夫通此學者。寧非濬開萬用之美源也哉。推而廣之。如鑿礦砂。采取金鐵。資貿易。兵甲之書。製風琴。自奏音響。佐清廟明堂之盛。自鳴鐘。自報時刻。濟日晷。晴陰之窮。諸般奇器。不但裕民間日用之常經。

抑可禪國家政治之大務。其利益無窮。學者當自識取之耳。

公用則萬國依同。

夫文物之邦。無器不用。固矣。乃窮荒絕徼。如綠頭國人在北極出地七十多度之下。無城郭州縣。可謂至僻之地。至野之國矣。亦知用皮船取水族。用弓矢取鳥獸。然則器用之公。普大地無不同。然何其廣耶。

剗垂則千古不異。

造物主當有天地以後。至洪水時。人民衆多。有一國王。是女王。名塞密刺密。造一大府。名巴必暖。其城周六萬步。高二十丈。廣厚五丈。周造城樓二百五十座。用役一百三十萬人。一年造完。彼時無器不有。無器不用。傳至於今。新新不已。豈不千古如常也哉。

制器之初。本於人祖。

造物主參贊天地。卽稱生人之始祖。名亞當者。與其妻名厄襪者。置之地堂。良和之處。其初人

無病疾亦無老死五穀果木等類皆大地自然生成不勞人力其中一切鳥獸聽命於人無有毒害自亞當與厄襪不遵主命犯誠得罪以後遂爾五穀難生鳥獸毒害有饑有寒有病有死男子則罰其耕田勞苦女子則罰其生育艱辛於是亞當始作耕田等器自求衣食故器用皆從始祖創制蓋亦繼天而立極半從人力半從天巧而得之者也。

立法之妙合乎天然。

天下之物皆天然自生自成而此器之法乃因物理而生而成所謂有物必有則者此也然法雖由於造作而比於生成之物則或有相似有相幫有相勝有相笑者非一端也譬如天體晝夜自行運旋而器之自轉磨自行車自鳴鐘等類輒能一一與天相似人之耳目手足自視自聽自行自持而器之製成人像者輒又手能自持自起足能自行自止目能自閉自張一一與人相似不謂巧擬化工矣乎間有物力人力不

能及者。或以螺絲。龍尾。輓轆輪盤。或用風。用水。用空。皆可使之助其不及。是為相幫。所云參贊輔相。殆亦此義歟。至於以小力起大重。運大重。轉大重。雖至重之物。悉足勝之。無難。是天地間無有勝過此器者矣。且重之性原在下。而此器不特勝之。更能便重者自上而不覺。如龍尾取水。水止知其已下也。而不知其已上也。豈不可笑也哉。有此數端。故云立法之妙。合乎天然。詎曰小道之可觀。實為大學之急務。然此特撮其梗槩。下文方細為敷敘。

力 藝 外 德 圖

- 一 最確當
- 二 至易簡
- 三 似可怪
- 四 實可喜
- 五 工之督
- 六 美之源
- 七 徧萬方
- 八 傳千古
- 九 始人祖
- 十 合天然

力藝

四解

前內性外德。特總括此學之大畧耳。其詳解更有四端。列為四卷。如左。

第一卷重解

此學總為運重而設。儻無重。何必運。且將何運。故重之解。列為一卷。

第二卷器解

重不得起。須用器而起。器不一而足也。器之中

又求最巧之器。故器之解。列為一卷。

第三卷力解

巧器用以起重。引重。轉重。固矣。然器必借力而運。或人力。馬力。或風力。水力。或即借重物之力。故力之解。列為一卷。

第四卷動解

有重於此。或欲升之高。或欲致之遠。或欲令其轉旋往來而不已。此皆運動法也。或薦。或揭。或推。或曳。或手轉。足躡。種種不同。故動之解。列為一卷。

遠西奇器圖說重解卷第一

欵凡六十一

第一款

最重無過於地。地在天之下。必在中

心。


試觀上圖。a b c d 為星天。e 為大

地。o i c 為地平。人常見者。自 o 至 a


至 i 為半天。故知地在天之下。中心

也。儻使地或在 c 則其徑特為少半。

而星在 o i c 上者。不得見矣。




第二款




次重無過於海。海附於地。合為一球。試觀上圖。a為日輪。c為地海。b為月。△為日影。日在地下。月在上。日過地則有影。影遇月則為月食。惟地與海。合為圓球。其影亦圓。故月食漸漸如半規也。觀第二圖。自見儻地形。是方則其影亦方。月食當截然如直線之形。不作半規形矣。詳具天文書中。

第三款




重之廣大無過地球。其面與其心相距一萬餘里。

每圓界三百六十度。所以地球圓界。亦有三百六十度。每度有二百五十里。所以相乘得九萬里。因圓界△a△c。△ic有九萬里。所以△a至△c。徑用二十二。與七比例得二萬八千六百三十三里。自△a至△c。半之。得一萬四千三百十六里。餘故云。地球之面與其



心相距一萬餘里也何以知一度有二百五十里耶假如杭州北極出地三十度十三分上海北極出地三十一度十三分是相距為一度矣上海雖在東北但與蘇州太湖東西相對所以南北同度計曲路三百餘里正路則止有二百五十里耳第二圖自明。

第四款



重何物。每體直下。必欲到地心者是。試觀上圖。圓為地球。c為地球中心。aa皆重物。各體各欲直下。至地心方止。蓋重性就下。而地心乃其本所。故耳。譬如磁石吸鐵。鐵性就石。不論石之在上。在下。在左。在右。而鐵必就之者。其性然也。重物有二。一本性就下一體有斤兩。

第五款

物之本重

金




銀

鐵



本重者。如金重於銀。銀重於鐵之類。是也。蓋金與銀體段一樣。而金重銀輕。是金之質原本重於銀也。非以一兩金與十兩銀相較之重。故曰本重云。

第六款

點




線



重之體。必定自有點線面形。內有容。外有限。曰形。其中點為形心。有直線過心兩邊不出限者為徑線。形有二。一面積。一體形。假如上圖。點線之外。△平圓。□長形。△三角。□方形等。俱是面形。體形有三度。或長。或潤。或厚。如上。△□等體是也。


第七款



重之心。重繫於心。則不動。

假如有重於此。以線繫之。果在其心。如 Δ 。則不偏不動。儻不在心。如 Δ 。則必偏且垂下矣。


第八款



每重各有其心。


假如有重於此。兩邊重相等。則重心必在其中無疑也。每重但有一重心。

第九款




有直線過重心。不出兩限者。為重之徑。

假如 Δ 三角形。重之心在中點。直線從 c 至 i 。過中心。則為重之徑也。諸重皆然。如上立方圖。三徑皆從重心直過。故重之徑無窮盡也。





第十款



有重線過地心。交於地平。作兩直角者。為重之垂徑。

假如上圖圓為地球。中有地心。橫有地平線。上有方重。其線過地心。交於地平線。作兩直角。故其立線為重之垂徑也。


第十一款



有重體。不論正斜。皆有徑線。從徑線分破。其側面。即為重之徑面。

假如上圖圓。徑線 a e。從徑線開之。即作兩半球。半球平面。即重之徑面也。又如上方圖。以 o 為外周徑線分之。則兩半方形。其分開之內兩平面。即重之徑面也。如從 a c 徑線開之。則兩側面。即重之徑面也。因徑面常過重心。所以兩分相等。

第十二款



有三角形。從角至對線。於中作一直線。直線內有重之心。


假如從 \angle 角至 e 對線。作一直線。於 \circ 分兩平分。必定 \angle 之內。有重心也。至 \circ 亦然。

第十三款



有三角形。其重心。與形心。同所。假如上三角形。 \angle 為形心。亦為重心。


第十四款



求三角形重心

法曰。有三角形。各分兩分。起線。各至角為一直線。相遇十字交處。便是重心。假如上 \angle 與 \circ 中分有 i 。至 \circ 為一直線。次 \circ 與 \angle 中分有 h 。至 \angle 為一直線。兩直線相遇十字於心。即得所求。


第十五款



有三角形。每直線從過角重心到對線。其分不等。為二倍比例。


假如上圖。△^{aa}△^{ee}從角過心到^{ie}對線為兩分。△^{aa}△^{ee}線大於△^{ee}△^{ie}線二倍。其△^{ee}△^{ie}線亦二倍大於△^{ee}△^{ie}線。

第十六款




有法四邊形。其重心分兩平分。為徑。假如上圖。四邊有法長方形。其重心是△其徑^{ee}△^{ie}為一線。△^{ee}△^{ie}△^{ie}各一線。各線每徑長短不同。俱兩平分。

第十七款



有法多邊形。其重心形心同所。假如上六角形。其角等。其邊亦等。是名有法多邊。其重心與形心。摠是一心。


第十八款



平圓與雞子圓形其重心形心亦同所。

圓界與多邊形相似故其心皆同其雞子形與平圓形亦相似故其心亦同


第十九款



求直線平形之重心。


假如上無法四邊形先分作兩三角形從對角打兩垂線到分線上。△與△分既成兩三角形用前十四款求三角形重心法即得△△兩心△與△作直線次用比例法△△大垂線與△△小垂線比例等於△△與△△比例了。乃所求之重心也。

第二十款




每多稜有法柱其重心在內徑中
假如上立方六稜柱其重心在方徑
內心。A至L為內徑。就是其軸。C之
內心。乃其重心也。

第二十一款




每多稜有法體其重心形心俱同所
假如上八稜有法柱。A C L是其內
軸。C即其重心形心是也。

第二十二款





有體求其重心。



假如上無法之面。欲求重心。先於上
作平線繫A次於C。垂一直線緊靠
一邊。又次於L。亦作一垂線緊靠一
邊。即從A上往下。以墨直點作線。C
至O。L至L。兩線是徑之面。復轉繫
體。再如C O L L。作兩線如前。就得
第二徑之面。即向上端。下端。看兩線
十字交處。即得重之徑也。又將繫體
橫轉從L處繫於A上。求徑線至L
亦向十字交處看之。則得L。是重心也。

第二十三款

每重不在其所則必下俯地心作正垂線。




天下之物各有本所物之性亦各喜得本所每物不在其所則必與性相反且別物得以攻之故各就本所乃各物之所喜向也假如火本炎上使之入水則非本所便就滅息重之性下。水。上。其本所也且物性直捷重之垂下不作迂曲况天下之物性最巧直線之途必短迂曲之線其途甚長。物喜短捷之便故不肯拂性而迂曲也。

第二十四款

每體重之更重必在重之心。

假如重物長短厚薄方圓為體不一而每體必有更重者為重之心譬人身之內有心一家之內有長為一體中之主故也。


第二十五款



重下墜其心常在垂線。


如上圖三角形心墜下必在直線不然必左傾右倒不能直下矣所以重物在空更重者雖在上亦必先轉向下。

第二十六款




有重繫空或高或低其重常等。如上圖或在A在B在C其重之斤兩常等。

第二十七款



每垂線相距似常相等。

每重直線引長必到地心所以每垂線之末必與地心相合前第三款之圖已明此垂線非平行線也但如後旁圖長短四樣三角形最近則兩直線之尖相合亦最大最遠則兩直線之尖相合最小而直線初分祇覺其平行不見其末之相合故以為相距似也。




以上止明一重之理。今又以兩重相
比言之。

第二十八款


每重徑面分兩平分

兩平分者。既從重心之徑面分。自然
兩重相等。為兩平分也。




第二十九款

有兩體。其重等。其容亦等。為同類之
重。



第三十款

假如上兩圓球。其體俱是鉛。其大等。
其重自等。所以名為同類之重。
同類之重。有重容之比例等。
假如上大方圖。八倍於小方圖。其重
為十六斤。則小方圖之容。自八倍小
於大方圖之容。其重當為二斤也。



斤六十



斤

第三十一款

有兩重其容等其重不等為異類之重。



假如上有兩體形相等但一是金一是銀其重自不相等何也金之體殆將二倍於銀所以名為異類之重或問金何以重於銀將近二倍也曰金之體最密而稠試觀作金箔者一兩金可作數萬張銀則不及故耳。

第三十二款

重之類有二曰乾曰溼。

乾如金石土木之類不流者是溼如水油酒漿或銀水之類但能流者是


第三十三款

每乾重繫於直線而想直線有兩德一無重一不破。

想者未有直線而先有無形直線之想也故無重故不破。



第三十四款



有重插於直線。或在上。或在下。但在垂線中者不動。不則必動而轉下。

假如上圖。△為直線不動之一端。重在*c*。是正在垂線之上。而居中者也。不動。重在*i*。是正在垂線之下。而居中者也。不動。或△。或∠。則必動而轉下。作圓觚線。

第三十五款



水搏不得。

假如有銅球於此。水已滿其中矣。欲再強加別水。必不得。雖銅球分裂。亦必不能再加。何也。水體最密最稠。再搏不去。故也。

第三十六款

水面平。

水隨地流。地為大圓。水附於地。其面亦圓。


前第二款已言之矣。而茲復云水面平者。何蓋大圓不見其圓。祇見其長。故亦祇見其平面耳。假如地平之上。有低凹處。四周水來。必滿凹處。與地相平。而後流焉。故水隨地而圓。亦隨地而平也。



第三十七款

有水在器。被迫則必旁去。

其所以然。已見三十五款水搏不得之下。此又明其一所不容兩體。故他體一入。此體被迫。而必旁溢去也。



第三十八款

天下水。皆同類。

江河溪海。水性無不同者。但水之鹹者。則其體微為重耳。

第三十九款


有水之重求其大。

假如壺中有水下三斤不知其大為幾斗或幾升或幾合也。

法曰一尺立方容水六十五斤今用

三率法


- 一 六十五斤 一尺壺中容水
- 二 十寸 就如一尺之容
- 三 十三斤 壺中有水
- 四 二寸 原壺之大




第四十款

有定體其本重與水重等則其在水不浮不沉。上端與水面準。

如上圖。c 為水庫之容。a 為定體之重。定體與水重既等。則定體上端必平與水面相準也。




第四十一款



有定體其本重輕于水則其在水。不全沉一在水面之上。一在水面之下。如上圖。e為水庫之容。以爲定體之重。定體既輕于水。則半沉半浮。蓋因水更重所以驅定體而少上焉耳。


第四十二款



有定體其本重重于水則其在水。必沉至底而後止。


如上圖自明。或有乾板薄而寬大。或是金或是鉛。但平平徐置水面。則亦不沉。何也。薄而寬大。則板上之氣與板體相合。氣與水面相逼。故雖金鉛本重而不致沉也。但有小隙上水則必沉矣。

第四十三款





有定體本輕于水。其全體之重與本體在水之內者。所容水同重。
 假如上水內立方是水。以浮水外。之
 沉水內。之全體。只以沉水多半體
 為則。多半體所占。是水重。即是本體
 重。

第四十四款



有定體在水。即其沉入之大。求其全體之重。
 假如之是全體。在水內外。但知之
 在水內之容。為一萬尺。求其全體之
 之重。用三率法。一尺容當六十五
 斤。則知全體該六十五萬斤重也。

第四十五款




兩水或重或輕。有兩體同類相等。其重水與輕水之比例。即兩體沉多沉少。相反之比例。

假如一是海水。一是河水。海水自重于河水。但看上兩體俱同。而人沉入之多與人沉入之少。則輕重之比例見矣。如人入水視人入水為二倍。則海水必重于河水二倍也。

第四十六款

銅體




凝體在水。輕於在空。視所占之水多少。即其所減之輕多少。假如上空。中立方銅體。重十六兩。即以同大有水。立方形較之。水可二兩。則在水立方銅體。十六減二。輕於在空之體。為十四兩重也。


第四十七款

兩體同類。同重。但不同形。在水其重恒等。

假如上圓球。與立方。其體皆銅。其重皆五兩。則其沉水之重。常相等也。



第四十八款



有兩體。其大等。但一是凝體。一是流體。已有疑重。求流重。

假如有鉛球二十三斤。水球等於鉛球。該重若干。

法曰。將鉛球以馬尾線繫於天平一端。沉之水中。於天平一端。加權度。至平準而止。則鉛球止得二十一斤。以二十三斤。在空之重。減在水之重。二十一。留二斤。即為水。球之重也。其證見前四十六款。

第四十九款

有凝體。流體相等。已有流重。求凝重。假如流體是水。為一百斤。求鉛體相等之重。



法曰。將鉛體其重二十三斤。用水與

鉛體同等。其重得二斤。就用比例法。

二與二十三比例。即為一百與一千

一百五十斤比例。則得鉛體之重。一

千一百五十斤。



第五十款

有凝流兩體之重相等。已有凝容。求流容。



假如有鉛球大十寸。水球重與鉛球等。求其大若干。

法曰。將鉛體二十三斤。與水體大等。

得水重二斤。就用比例法。二與二十

三。就是十與一百十五比例。得流容

一百十五寸也。



第五十一款

有凝流兩體之重相等。已有流容。求凝容。

假如水容為一百十五寸。鉛重與水容同大。求鉛容若干。

法曰。將鉛體二十三斤。得水二斤。就用比例法。二十三與二為一百十五寸。與十寸比例。得鉛容十寸也。





第五十二款


有兩凝體相等。已有彼重。求此重。

假如鉛球其重一千一百五十斤。求錫球同等之重若干。


法曰。將鉛錫兩體同重者相較。又將兩水體。一箇等於鉛。一箇等於錫。一球水重七十四斤。一球水重一百十五斤。用比例法。一百十五與七十四為一千一百五十。與七百四十斤比例。就得錫體之重七百四十斤也。



第五十三款



鉛 七百四十寸




錫 一千一百五十寸


兩凝體重相等。已有彼容。求此容。
假如鉛體容為七百四十寸。錫體等
重。求容若干。

法曰。將鉛體重一百十五斤。以錫體
相等重。得七十四斤。用比例法。七十
四與一百十五比例。為七百四十。與
一千一百五十比例。則得錫容。一千
一百五十寸也。

第五十四款



水 該六百斤



油 五百五十斤

兩流體相等。已有彼重。求此重。
假如油體重五百五十斤。水體與油
體相等。求重若干。



法曰。取鉛體與水體等大者。得水之
重。或是十二斤。亦取鉛體與油體等
大者。得其重為十一斤。就用比例法。
十一與十二。則為五百五十。與六百。
則得水重。為六百斤也。

第五十五款

兩流體相等。已有彼容。求此容。

假如油容為六百寸。水之體與油體同大。求其容若干。


法曰。將鉛體與水體相等。得水重十二斤。將鉛體與油容等。得其重為十一斤。用比例法。十二與十一。為六百與五百五十比例。則得水容為五百五十寸也。



第五十六款

球分本輕。浮於水。其底在上。球之軸必在垂線中。


假如有木球如上。其平底在水中。必在上。必不偏倚。其軸必在垂線之中。如A之在C也。儻強斜之。彼必自反正矣。



第五十七款


水力壓物。其重止是。小柱。餘在旁多水。皆非壓重。

求水壓物重處。止於所壓物底之平面。求周圍垂線。於水上。面如水中之柱。柱乃壓物之重。如上水中柱圖。下面口底甚小。從底口垂線。直至上面。中間水柱。為壓重。餘水皆無干也。



第五十八款

水來平衝於閘。求其衝勢之重若何。如上求水柱法。止以所衝閘面高低。作△C垂線。垂線平行。至△I相等。即從垂線上。面之△。斜行至△。則是水衝半柱之重。其餘多水。俱無干也。




第五十九款

有兩體容之比例。本重之比例。已有此重。求彼重。

假如A、C兩容。其比例A三倍於C。本重A為銀。C為金。其比例為一與二。已得A重六斤。求C重若干。

法曰。以銀三分之一。等與C銀三分之一。為六斤。三分之一。為二斤。用比例法。一與二比例。就是二斤與四斤比例。則得C為四斤重也。



第六十款

- 一三 為比率之大數
- 二一 為比率之小數
- 三 為為之所容之數
- 四八 為為之所求之容

有兩體。已有本重之比例。已有其重。已有此容。求彼容。

假如A重六斤。大二十四尺。C重四斤。其本重比例。為一與二。今欲求C之大。為若干。

法曰。先要A、C所容之比率。而後方可得C之所容。其六斤與四斤比率。乘於A、C本重之比率。此比率。乃是一與二也。則用又字架法乘之。却不

用正乘法也。六與二乘得十二。其四與一乘得四。所以新來之比率。十二與四。即是約而為三倍之比率也。所以八三倍於二。今用三率法。

第六十一款

有兩體。已有其重。已有其大之比率。求本重之比率。

假如八與二兩重為六與四。其大比率為三倍。要求銀與金之比率。

法曰。以兩所有之數。用十字架相乘。則兩者之比率。為本重之比率。六一相乘得六。其四三相乘為十二。所以有六與十二之比率。約之。則為二分之一也。故銀體之輕。與金體相比。則

自然差一半矣

<p>下</p>	<p>本</p>	<p>知</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>
----------	----------	----------	------------	------------	------------	------------	------------	------------	------------	------------

25

